

Канал тосхлгъна кӧдлмшӕс

Оля-Каспийск канал малтлгъна кӧдлмшт урднъ йир ик эндӱ гарад йовдг бӕӕсмн. Тер учрар, шидрхн урднъ кӧдлджӕсн гардачинъ кӧдлмшӕснъ сулдхад, чадмг-чидмг кӱ ши нӕс тӕвб.

Шин гардач орсара канал малтлгъна цуг участксар кӧдлмшин диг-даранъ ясрв. Кӧдлмшиг шунмгъа кевӕр кехин тӧлӕ цуг участксар кӧдлмшиг хойр сменӕр кӧдлдгӕр кев.

Михайловск участкд 5 экскаватор сӧ-ӧдр гилго, гурвн

сменӕр кӧдлджӕнӕ. Каналиг тосхджах инженерн-техническ кӧдлӕчир эн джилин июнь сарин 15-д Михайловск селӕнд кӱргдж ус орулхвдн гидж бат ӱгӕн ӧгцхӕв. Тегӕд ахр цагин эргцд олн-ӕмтнд ус ӧгхин тӧлӕ цуг кӧдлмшчир шунлтта кевӕр кӧдлджӕцхӕнӕ. Социалистическ дӧрлдӕнд экскаваторщикӱд ӱр Дубов болн Лозов хойр тӱрӱн нӱр эзджӕнӕ, эдн норман 150—160 процент кӱргдж кӱцӕнӕ.

Болв, газр малтлгъна кӧдлмш кегдлг болв чигн, тосхлтин кӧдлмш ард хоцрдж йовна. Тосхлтин материал (модн, цемент) болн нанъ чигн материал уга болсн учрар, тосхлтин кӧдлмш ик хашнъгар кегдджӕнӕ.

Тегӕд тосхлтиг модн, цемент, нанъ чигн кергтӕ тоот материалар цагланъ тетктхӕ гидж танъгъчин усна эдл-ахун гардачнрас сурджана.

С-Г. ГОШЕНДАНОВ.